

**Kluster Sivagangga: 4,198 individu telah disaring - Dr Noor Hisham  
Astro Awani  
08 Ogos 2020  
Harits Asyraf Hasnan,**

KUALA LUMPUR: Sejumlah 4,198 individu melibatkan Kluster Sivagangga telah disaring sehingga hari ini, menurut Datuk Dr Noor Hisham Abdullah.

Ketua Pengarah Kesihatan dalam kenyataan medianya memaklumkan saringan tersebut merangkumi saringan dari negeri Kedah, Perlis dan Pulau Pinang.

"Daripada jumlah ini, 43 kes dikesan positif COVID-19; 3,235 lagi negatif; dan 920 masih menunggu keputusan.

"Saringan kontak rapat dan aktiviti pengesanan kes secara aktif (Active Case Detection) diteruskan," katanya.

Jelasnya lagi, langkah-langkah pencegahan seperti proses nyah kuman dan nyah cemar telah dijalankan di kawasan-kawasan yang dikenal pasti berkait rapat dengan kluster tersebut.

Beliau pada masa sama memberi komitmen bahawa situasi terkini kluster tersebut akan dimaklumkan dari semasa ke semasa sekali gus menggesa masyarakat untuk menyemak terlebih dahulu kesahihan maklumat yang diterima sebelum mempercayai dan menyebarkan maklumat tersebut.

**© 2020 Astro Awani Network Sdn. Bhd.  
(535275-D) All Rights Reserved.**

Source: <http://www.astroawani.com/berita-malaysia/kluster-sivagangga-4-198-individu-telah-disaring-dr-noor-hisham-254399>